

相往來之說而甘心非美土人之自戕種族而已矣又况流俗之是非毀譽則誠有如列子所云見美以為醜指白以為黑譽香以為臭者雖欲狗之鳥從而狗之其惑二夫求新者既洞悉十九周以後之地球必文明大啓又灼知孔教殺身成仁佛氏大雄大無畏之旨與夫意大里奧斯瑪加日本之變法俱一奇人俠士為之遂決然毅然捨身度世以扞天下之危難無所於茶而彼守舊以尼之者不過師老楊之柔靜為我如臧武仲所譏齊侯故智從而陰擊之抵排之而又以身家性命橫梗胸臆然交戰於其中此其愚亦可笑而其巧為牽制以待西人之刃刃迫牢尤可駭而可愕其惑三詞章帖碑之儒雕刻蟲魚批抹風月靡明靡晦亡精喪神其驟語以新學而腦筋無可容之地無怪其然若既於孔孟之微言大義瞻然不疑則一轉移間而萬事萬物之理因之嘗謂能通舊學未有不能通新學者豈其誣乎然亦有鑽研異義脫然庸庸俗儒之上而語以平等平權改制翼教之大經則舌橋不下目眙不定者彼非不知溝通新舊之界也以吾向者以舊學名天下今奈何俯而徇之也今夫顛子子路蘧伯玉以能知其過而賢而畢士馬克且以善變霸歐洲誠於此時汲汲發明孔孟仁民愛物以元統天以天統君學學諸大端而為吾教中救世復元之路德以還尼山真面則與彼教不迎之迎不距之距而其精者且軼而過之徐而範之而吾教庶有綿延億劫橫絕冰洋之日不此之務而徒做帶千金負隅且夕吾見天轟地譁必無有壇席鼻比位置經師之處則其自為謀亦私而拙矣其惑四地球之生由流質而定質由定質而凹者海凸者陸由凹凸而大草大木大鳥大獸由大草大木大鳥大獸而獼猴由獼猴而野番部落而打牲游牧而人世界而多君而一君西國地學家以沙石層次考之謂自有人世界不過五千餘年而萬物之蕃變陸谷滄桑之泡幻帝王卿相士民之殺雜紛紜乃至恆河沙數不可思議而一言以蔽之曰日新而不已故西人自無事不推尊教主外一切政學格致皆謂今勝於古如當中國周匡王時有埃及王法老尼古者曾驅十二萬人溝紅海不成而死而近來法人勒塞柏斯自咸豐十年至同治八年卒溝通之此其遠勝古人之一端其他百年來揭地掀天之舉動尤指不勝屈况乃造物日新之理顯諸一電化無窮之學供他日大同之取用然則生茲世界雖不能窮原竟委亦宜稍引端緒為後人遵循之的然而播紳先生號稱古學者則往往以師人為恥甚乃有恫喝其子弟以談新學為戒者夫其子弟果皆愚蠢而質實然從之是自割其種也其子弟果皆悟其非而斐然而嚮新是貽以菲薄先人之具也天時人事相迫而來吾見近來世家巨族其英俊少年多有捐棄陳言力關町畦者而父若兄尚不自慮其為後人所羞而務阻遏天地自然之氣數子姓將強之新機可謂不自惜羽毛者矣其惑五完

上諭電傳

初六日閣抄 上諭直隸霸昌道員缺着竿方補授欽此

撫轅批示

安鄉縣客民鍾雅亭等呈批○此案前據京控業經由司訊明詳請立案不行專擊陳鴻才等治以應得之罪嗣據遭抱告胡明顯及以劉杜氏出頭翻控均將抱告押發在案茲據具呈投案此等刁狡之徒其呈詞全不足信即所稱陳鴻才遭風溺斃亦難保非假捏情詞莫免追究仰按察司查照原案究明懲辦以儆刁頑原告鍾雅亭唐蘭梓押發收審詞粘并發仍繳 宜章縣民曾進賢等呈批○此案業經由縣訊斷不將供判抄呈難保非審輪圖翻仰州轉飭宜章縣將訊斷情形稟覆核奪詞粘并發仍繳 邵陽縣生員王季衡等呈批○此案業經委員朱守會府查明議結稟覆在案是非賢否自有定評爾等以並不干己之事仰款黏單聯名稟告實屬不守臥碑大干例禁本應發府革究加寬批飭不准黏單附 衡山縣貢生康漢卿呈 批卷查上年二月內據該民人攔輿稟控當經批縣查詳今已逾年未據查覆茲據續控前來王康氏身死無論是否是繼既經該縣驗明總應詳報仰按察司即飭衡山縣先行查明稟覆一面確切訊究補詳勿稍瞻顧延延切切詞粘并發仍繳○南州應客職陳思忠等呈 批查閱呈詞及粘錄各件雖藉請禁隄坑立言實因互爭淤州起見所呈不足為憑築隄果礙水道地方官自能查禁爾等如有應領之照被人冒領亦應自行赴廳聽候訊斷毋庸來轅控告抄粘附 藩轅牌示

衡山示壽司詳以鄧功容補 典甯典史詳以鄧繼芳容補 常甯典史詳以錢蔭毅容補

南學會問答○長沙羅遠官問○中國之所以積弱不振者以其愚耳今日欲轉愚為智雖曰有時務學堂校經堂求賢書院而不推厥則可以開十百人之愚必不能開千萬人之愚可以開文人之愚必不可開農工商賈之愚宜何如積天下之愚皆使之智農工商賈之愚皆使之智則四海之內學校如林何患不可轉弱為強由小至大平富強之效拭目俟之○答曰孟子引伊尹曰天之生斯民也使先知覺後知使先覺覺後覺朱子注曰覺後知後覺如呼寐者使之寤也今人之愚有如睡者開民之智有如喚醒先喚醒百十人即可漸及於千萬人先喚醒文人即可漸及農工商賈之人中國四萬萬人比日本多十倍日本學堂學會共有六萬以中國人數當有六十萬現有推廣學會章程有志之士能照章程分設將來四海之內開智即以自強何患積弱不振○善化

沈朝鐘問○古人纏足之風肇後人踵而行之以中國二萬萬婦女之衆纏足者居八九不纏足者僅一二今吾湘一旦欲除痼習雖屬美舉然非畫奇出策不易挽回若徒託空言何異水之投石况已纏者能放而為故吾哉鄙意須予以限制作為戒說除已纏者不議外應自某年月日始凡生女之家不可纏足庶不至因噎廢食哉喪天眞陰行刑足之慘其或有革之一日也○答曰此事行當有 奏請禁止者有志之士宜先切實開導愚民但使不纏足者漸多則纏足者亦常知悔而自變矣○長沙羅遠道問○甚哉南學之設之有裨於湘人也禮學記曰君子如欲化民成俗其必由學乎學之為用大矣無如淺見之流不究其底指為好事之為不知此學實有益也何也士子閉戶自守焉知天下之事自屢次講學而凡閉戶自守者於天下大勢亦可略知一二不識可以推廣各州縣否○答曰所見極是謂卓然不惑老子云不出戶知天下欲閉戶而知天下大勢宜博覽書籍致求時事好學深思自有所得講學不過開通門徑使人知所從入有志之士仍在自己用功而已現已推廣會章程推行於各州縣○善化章瑞麟問○賤子不敏偶聞 先生講學云湖南大開學會保種中國為黃種人與泰西白種人異中國有孔子教與泰西耶穌教異保黃種則黃種不絕談孔教則孔教不衰苟非講學以開通民智則生於黃種中不自知為黃種習於孔子教不自知為孔子教不知為黃種將消於白種矣不知有孔子教將混入耶穌教矣使生中國黃種之中習孔子之教無端而消於白種之中混入耶穌之教且鯁鯁然曰我白種耳我耶穌教耳爾黃種孔鳥得雜亂吾之種與教也若而人者是自絕於黃種自滅於孔教也是天地間大愚人也是天地間大不智者也今特講學以開通民智夫智之明猶物之有光也光有高卑大小顯微之不同譬如日之光高大顯明以月與星之光較之覺其光卑而微小而暗矣月與星雖遠遜於日之光以電燈庭燎較之愈卑愈微愈小愈暗矣電燈庭燎之光不及月星以螢光較之覺卑而又微小而又小暗而又暗矣嘗見螢光入室遇庭燎之光而螢無光矣電燈高懸而庭燎之光卑微月星照耀而電燈之光微暗至於日輪發光烈烈炎炎引動八星循環無端而月星之光又難與並明矣以光勝光久之合眾光以為一大光以智勝智久之化眾智以為一大智大智為平開於今日之學會由省推之府宜設府學會以益民智由府推之縣宜設縣學會以強民智由縣推之各鄉鎮市皆宜設學會以通民智由中國各省府州縣各縣鎮市之學會保種更宜推廣中國學會於泰西各國都會之地何至有擬以野荒半教之稱欺侮而挾制之乎是在開學會者竭精心而推廣之其潛移默化之也賢之先生以為何如○答曰近環球所奉各教主皆生於春秋以後大旨皆主敬天愛人

其教之異同離合非偏讀各教書無從臆斷惟我輩能尊孔教其實宗旨最為中正無弊耳前黃廉訪講義云佛自稱管天耶自稱天子模倣德自稱天使平心論之則管天天子天使皆不可信惟孔子贊天參天真能盡人事矣近人治春秋周易皆言以元統天究之必先贊天參天而後能統天亦一貫之理此理至精至奧未至其時不言可也○長沙饒沛問○膠事結後各省皆以創書院立學堂為急務而於軍政一途不過稍稍布置或難於餉而不練或募新兵反撤舊兵無不欲盛我軍容大約拘於人才足以強國之說故重學輕兵若此不知今日外夷迭乘禍在旦夕人才之出少亦待之十年設此十年中奇禍驟發將束手待斃乎醫之治病也必先去標而後培本否則藥雖峻亦不達治國之術何以異此今不能先攝敵國之積威而欲冀效於將來之學校是何異有方伏之熱而遽投以溫補耶故愚謂今日之務治兵為急與學校次之然與否與敢祈敢迪○答曰兵戰不如商戰商戰不如學戰近人議論如此不知者以為迂闊其實道理不錯泰西兵強天下其兵無不入學堂必不能以不學之兵與之對敵前年湘軍出關數十營不足以一戰其明證也今已創立武備學堂並用西法練兵兵貴精不貴多若但欲盛軍容如澤麗蒙虎見豺而戰有何用處人才足以強國此是一定之理如無人才何能將兵且練兵亦非且夕能精而學堂能培植人才亦並不必待之十年也今中國如此弱外國如此強要攝外國積威談何容易譬之治病元氣已傷必須固本而兼治標或者尚有起色若但治標而投以峻藥速斃而已劉越石云譬如積痰彌年而欲以一丸銷之其可得乎

平江縣洗寶餘大令致時務學堂梁院長書

卓如大兄鄉先生大人閣下運世方艱偉人斯起去歲讀時務報始識盛名開通民智大功不在禹下近復移講湖南山斗遙臨下風同拜他日經濟才多上酬 特典人倫領袖舍公其誰 寶餘輕遠鄉井星紀逾周困頓簿書毫無報稱喜此間人才開敏語以時務尚不格格不不自揆欲行公之道小試於一邑曩令四鄉團紳人各閱報近日整頓茶務各族自禁纏足略有設施而士首四民總以改定書院章程為要惟風氣初開隻手經畫師書兩關尚待開津伏維閣下英襟命世古道欲人海內蒙求一無所吝是以不揣冒昧敢援貴學堂質疑之例開列事宜另摺呈請指授貴學堂既宏答問之施敝書院當在附庸之列受益之故詎惟鄙人邇來世局不堪設想惟親病雖危理須用藥讀大著變法通義醫琴君民義諸篇深切著明轉移在此時如我待則通議行時不我待則民義亦足以自立區區用心竊附於此 朝廷注重湖南 大府矜材擇楚不遺餘力吾鄉 察兩觀察先後來

湘今復敦請閣下主持風教誠湘人厚幸回首粉榆冥冥氣祿大都白晝眩燿頻聞又不知當軸者之何以拯之也另摺開陳書院事宜仍望覆示為要 一購書 邑書院舊有藏書俱考據詞章之學於古今經濟各書尚未購備何有於西學茲擬於添購中學政書外多購西學新書香照大書書目表凡有圓圖者悉數買取但集資尚易購致尤難一則京吳齊粵局各殊方一則叢本單行書有重出若非確知買處去其重本不免曠日耗資表內所列同文館製造局稅務司廣學會益智學會是否同在上海北京金陵廣州各刻本是否上海亦有寄售格致彙編西藝知新西學輯存西學啟蒙各種叢書以何種為要買自何地各部書價若干統祈分別示知以憑購取俟各書買齊然後集其清英按照原表分門歸類俾便學習 一置器 西人之學類皆依器而行算學固賴儀器竊意聲光化電各學欲求實驗亦必有應用之器惟是草創伊始購備良難擬先就算學一門購置儀器應用幾種買自何處價值若干請開列見示其餘各學應用之器亦請略舉大要以備他日擴充 一聘教習 問途必於已經故習西學者以聘得洋教習為主但洋師指授不特湖南風氣大不相宜外州縣尤無此力量自應就近各處學堂物色教習擬先開算學一門另聘教習其名下院長一等竊惟算學亦六藝之一本係聖賢學問近日稍知算法者輒自高聲價挾技驕人墮入九流魔障不值一哂故講求西學必用儒生不卜藥籠中有此等算學教習否如有其人應送脩火若干敢請示知俟與邑紳酌定再行聘請 右奉瀆各事多有意擬之詞無當大雅既重遠邑人之請故敢先路之導至籌款一節書院舊有膏獎凡公款有應裁減者均可提併轉移之間尚毋須另起爐灶購置器係由官捐廉邑中當有廣續課程擬做照嶽麓一俟章程大定然後通稟 各憲免蹈先名後實之誚謹託存知敢陳大概併佈 鄉愚弟沈寶翰謹上

路透電音

美國上議院專議外交之紳議欲即認古巴為自主令西國飭其軍旅即行離島并議欲令總統以全副之力持之聞古巴變民亦不願停戰 西四月十三日○美國上下議院專議外交之紳會議皆欲立令西國飭其軍旅即離古巴并議欲令總統以美國全國之力贊成古巴自主 西四月十四日○美國下議院已將專議外交紳者所定之議投閣核准施行以為然者有三百二十二人以否者祇十九人上議院明日投閣美西戰事勢必難免然各國尚欲挽回 美國水師部添購巨艦兩號作為巡艦 葡萄牙君唐格洛頌謂美國如此挑釁若西班牙再不攘臂而前一雪此恥葡將伐西 西四月十五日○西班牙政府定議聽眾報効攝政后首先捐款

吳縣李維格譯

貝西答一兆 約合銀三 西國一聞美總統核准議院所定之議即令其駐劄華盛頓之公使下旗回國○法租廣州灣已探聽確實 西四月十六日○美國上議院已將專議外交紳者所定之議投閣核准施行以為然者六十七人以否者二十一入議中酌定認古巴為民主之國以及除為古巴綏靖地方起見外不干預其自主之權一切內政悉聽島民自主 西四月十八日

論德國藉案佔奪膠澳事錄國聞報

哉吾人居平持議金日廣新化行真教務使陰昧之壤放光明移其積習沈痼之風而大振作美哉斯言而平日所遣之教士所通之商業所講之邦交皆若與斯言相應者然試令吾曹處今日中國之地而觀之則其事將何如彼中國之人嘗呼西人為鬼子矣彼但見鬼子之來無論其自呼何名自執何業來者皆於其國有所攬竊焉且由是而言歐洲各國無一焉可自解免者也天下惟無瑕者可戮人夫既自為盜矣固不可呼他人為盜也英國之於中國其得土地爭利權非後人也顧議者曰英此之為為有益中國之事浸假而法與他國步其後塵矣朝割一藩暮開一口或緣教士之被戕或以通商之權利率皆振振有詞然前者之所為較之俄人所唾手而得黑龍江之數千萬里者則九牛一毛而已耳天之北斗西稱大熊俄亦著號熊國今者熊之光影已布覆支那之北部他日支那之朝權將為俄所執持逞其交涉之長技或以重幣甘言或以危詞恫喝又要必得其所大欲而後止凡此特在旦夕事耳然此猶未見事也乃不謂今日德國師其故智取非其有如是之甚者遣百十教士不待請而至人國傳教者號福音而以強人之不求福者夫西人謂華人為媚鬼為福心是固然矣既媚鬼既福心更遇前者之相強則必出於用暴戾殺自然之數也而德皇以並兼為志視此機緣深合其策遂變然而起借以為名而踞中國所萬不可與人之海口夫如是則是借耶穌教為盜媒彼中國人深惡而痛絕之夫何足怪且得所佔之海口非他乃中國所前擇以為船塢塢廠雖遲遲未克舉行然必將慘澹經營以固疆圉之要隘也而德人則公然奪而踞之今試我曹更為易地而觀之設彼中國詭然西來不待請許而取歐洲無論何國若法若英若德若俄之海口則我曹謂為何如則將曰巨耐此賊是固必不可忍者也然則何為論西事然而論東事則獨否乎仁義公平者非以地而異也况乎其國自命為奉耶穌教而最他國以遵耶穌之訓者乎我曹若去其塗聖粉飾之詞而觀其實則試問耶穌教與西國文明之化何由而行十誠有曰勿觀他人之產業土地矣此誠似非為歐人而設者故無論在非洲在泰東皆奮然以侮奪人為事不以為非且常以分贖不平以起戰

爭至於地主則若例不應得者往者沙侯於南非洲事訖嘻笑曰歐洲各權窮年瓦礫而所爭者皆非已地嗚呼此謂吐實之論矣然此猶得曰非洲固草昧之區吾人為開通更治也至於中國則何道以處之無所開罪素敦和好乃奪其海口且奪其所擇以網繆牖戶之海口然而德人則公然奪之矣奪而謀久踞之矣俄固不心喜顧俄於中國亦有所欲圖沮德所為則適以自沮而法於中國亦無愛也且將於他所自求分取焉至於英則本他權所不算者也夫如是故中國雖大聲疾呼盡償其所應償之事為之殺兇手恤死家而歐洲無一國焉出而執言仗義者夫殺兇手恤死家非德意之足也德之意欲利市三倍焉圖敦之種牟利最工彼見此殺教士為莫利之機故用以取最要之海口用以開採他人之礦工用以開通不已屬之鐵路凡如是之屬無論用何公法奮儀秦之舌皆不能援與殺案相合而論者而德則視然皆為之吾聞中國將有聘請歐洲各國公斷之舉使其為然則是歐人所素斥為無教者反彬彬有禮讓而素所自命文明者反為盜賊奪人之所有而更為斷此物應誰屬也使中國他日而取德國之海口吾知德國固不請他人而請冷鋼君克虜伯為公正人矣歐人間支那長者小兒呼之以惡名曰夷曰鬼子則笑其大愚我曹試平心而計其所受侮於歐人者積共幾何則知夷與鬼子二名真非妄加徽號也

南學會告白○本學會久應請人入會前次雖具知單申請然莫能徧也即使屢請終莫能徧此後定章專歸已入會之會友舉未入會者入會方以類聚毋任翹盼特此告白

湘陰李英奎捐入	四十八册	經典釋文	十六册	海國圖志	二十四册
漢書	六册	明辨齋叢書	二十四册	文恭公遺集	三十四册
瀛環志畧	四十册	六書系韻	二十六册	左忠毅公文集	二册
國朝杭郡詩集	二册	抱冲齋詩集	十二册	李注文選	十二册
宗忠簡公集	十册	四書異同商	十二册	瀝羅齋集	四册
文獻徵存錄	八册	景紫堂全書	二十二册	范忠貞文集	四册
海秋詩集	二册	甘莊恪集	六册	舒文節集	六册
秋室學古錄					未完

閏三月十二日日用各物時價表

物名	每實	價值	比較	物名	每實	價值	比較
銀	兩湘平	一千三百四十四文		銀	圓	七錢五分	湘平
錢票	千文	七錢四分三厘		典錢	每串十足	七錢九分八厘	
上白米	石	一千五百五十五文		次白米	石	一千五百一十二文	
中米	石	一千五百五十五文		河東谷	石	一千二百四十九文	
河西谷	石	一千七百三十五文		灰	百斤	四十二百文	
洋麵	包	二兩九錢		淮鹽	百斤	五十六文	
茶油	箱一箱	七兩一錢		桐油	百斤	七兩四錢	
牛油	箱一箱	一兩七錢八厘		栗木炭	百斤	六兩	
牛油	箱一箱	一百二十文		上棉花	百斤	一千一百文	
歡喜炭	百斤	七兩九錢		下棉花	百斤	十六兩八錢	
中棉花	百斤	十六兩四錢		二印折炭	百斤	十五兩六錢	
頭印折炭	石一百四十四方	三兩九錢		吳庄紙	百斤	三兩五錢	
三印折炭	石	三兩三錢		烟煤	石	三兩八錢	
塊煤	石	三百六十文					
柴煤	石	一百四十文					

廣豐森綢緞洋貨布莊

開設長沙大西門專辦綢緞大呢洋貨彩標加樂緞青棉夏布疋俱全

印送不纏足歌

凡欲閱者請至南正街創宅領取

